



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. VI. Vtrum peccatum mortale per se & ex malitia sua intrinseca reatum pœnæ æternæ inducat?

[urn:nbn:de:hbz:466:1-77355](#)

ostensum est. Consequentia verò liquet à paritate rationis: Nam sicut peccatum habituale consistit in privatione gratie sanctificantis, ita & peccatum actualē in privatione rectitudinis debite actui: Sed nulla est ratio cur privatio rectitudinis non habeat simul rationem culpæ & pœnae, secundūm diversas formalitates, sicut habet privatio gratiae: Ergo &c.

93. Respondeo concilio Antecedente, negando consequentiam. Ad cuius probationem dicendum est, inter privationem rectitudinis, & privationem gratiae notabile esse discrimen: privatio enim rectitudinis solū afficit actum, tollens ab eo debitam commenfiturionem cum lege, & ita solū est mala respectu ipsius actus; quod genus mali pertinet ad culpam, & non ad pœnam: privatio verò gratiae afficit suppositum etiam in ordine ad seipsum, & tollit ab eo formam perficiensem in ordine ad se, estque proin de malum etiam ipsius suppositi, quod genus mali pertinet ad pœnam.

94. Hac solutio & doctrina explicari & illustrari potest ex dictis disp. præcedenti art. 5. §. 7. ubi cum Salmanticensibus, in gratia sanctificante duo munia distinximus, unum subiiciendi hominem Deo, ut sit totus ipius, & ab eo possideatur; aliud trahendi Deum ad hominem, mediā participatione divinæ naturæ, ut homo per talem participationem in seipso perficiatur: ex quibus illud prius pertinet ad bonum Dei; & hoc posterius ad bonum hominis, ut ibidem explicuimus. Unde quia privatio gratiae hæc duo munia aufert, consequenter duo mala includit, nempe & malum Dei, prout tollit subjectionem ipsi debitam, & hoc modo habet rationem culpæ; & malum hominis, quatenus ab eo aufert formam, illum in ordine ad seipsum perficiensem; & hoc pacto habet rationem pœnae. Hæc autem distinctione non habet locum in privatione rectitudinis, quæ est malitia actualis: quia talis rectitudo solū est perfectio actus in ordine ad legem, non verò est forma perficiens suppositum in ordine ad se; ac proinde non potest esse malum pœna secundūm aliquid sui, sed tota debet spectare ad malum culpæ.

ARTICULUS VI.

Vtrum peccatum mortale per se & ex malitia sua intrinseca reatum pœna eterna inducat?

95. **S**UPPONIMVS ut certum de fide, pœnas damnatorum fore æternas, nullumque finem habituras, saltem de lege communī; atque adeò omne peccatum mortale, quod in hac vita per baptismum aut pœnitentiam non dimititur, pœna æternā in futura esse plectendum. Hæc suppositio est contra Origenem, qui lib. 1. Periarchon cap. 6. afferuit pœnas damnatorum non esse in æternum duraturas, sed per Dei misericordiam tandem aliquando finiendas. Et quamvis nonnulli eum ab hoc errore vindicent, ita tamen eum sensisse testantur Hieronymus in 1. & 2. cap. Epistola ad Ephes. & Augustinus 1. de hæresib. cap. 43, ubi ait: *Misericordiorem fuisse Origenem quam deceret, & tanq; errasse deformius, quanto sensit hac in re (id est, in pœna damnatorum) clementius.* Et lib. 21. de civit. Dei cap. 17. *Hac in re misericordior profecto fuit*

A **O**rigenes, qui & ipsum Diabolum atque Angelos ejus post graviora pro meritis atque diuturniora supplicia, ex illis cruciabibus eruendos, atque sanctis Angelis sociandos credidit. Sed illum & proper hoc, & propter alia nonnulla, & maxime propter alternantes sine cessatione beatitudines ac miseras, non immergit reprobarvit Ecclesia. Epiphanius etiam in Epistola ad Joannem Constantinopol. Episcopum hæc de Origeni scribit: *Quando complemus orationem, secundum ritum mysteriorum, pro omnibus, & pro te quoque dicimus: Custodi illum qui praedicit veritatem, ne Origenis erroribus in prærum sensum adducatur. Illud enim (doleam in rideam neficio) doctor egregius Origenes audier docere, & afferere nititur, diabolum id rursus futurum esse quod fuerat, & ad eandem reditum dignitatem, & consensurum regna calorum; scilicet gehenna ponarum eternam negat duracionem. Quod ex anilibus & fiditatis Platonis commentis (quem Tertullianus Omnia hereticorum condimentarium appellat) depropulsile videtur,*

B **H**ic error variis Scripturæ testimoniis refelli potest. Præcipuum est illud quod habetur Isaiae 66. ubi Propheta loquens de damnatis, ait: *Vermis eorum non morietur, & ignis eorum non extinguetur. Quo testimonio uititur Christus Marci 9. ad perpetuatum pœnam damnatorum declarandam, ait enim: Bonum est tibi debilem introire ad vitam, quam duas manus habentem ire in gehennam, in ignem inextinguibilem, ubi vermis eorum non moritur, & ignis non extinguitur. Nec valet quod dicebat Origenes, ignem quidem inferni fore æternum, sed non combustionem aut cruciatum damnatorum per ipsum. Nam ut observat Augustinus lib. de fide & operib. cap. 15. Christus hanc responsionem prævidens, ut eam excluderet, dixit Matth. 25. *Ibunt hi (nempe damnati) in supplicium æternum; vel ut legit idem S. Doctor, in combustionem æternam.* Quibus verbis aperte declarat non tantum ignem inferni fore æternum, sed etiam combustionem seu cruciatum damnatorum: unde Apostolus 2. ad Thessalon. 1. ait, quod cùm in die iudicii revelabitur Dominus Iesus de caelo, dabit vindictam in flamma ignis iis qui non obediunt Evangelio, qui pœnas dabunt in interitu æternas à facie Domini, à gloria virtutis ejus. Et Apocal. 14. de reprobis dicitur: *Crucibuntur igne & sulphure in secula facul lorum.**

C **I**n hujus rei typum ignis fornacis Babylonica quadragesima novem cubitos supra fornacem ascenderat, ut testatur Scriptura Daniel. 3. numquam tamen ad quinquagésimum, qui est numerus Jubilei, perveniebat, ut per hoc significaretur, ignis tartarei combustionem fore perpetuam, & damnatos nunquam veniam seu indulgentiam peccatorum consecuturos. Unde egregie Cyprianus: *Immortales miseri vivent inter incendia, & incombustibiles flammæ nudum corpus allambent: ardebit purpuratus dives, neque erit qui astuanti lingue stillam aqua infundat; in proprio adipe frixa libidines bullient, & inter sartagines flammæ miserabilia corpora cremabuntur, & omni tormento atrocis desperatio condemnatos affliget. Non miserebitur ultra Deus, neque tunc audier pœnitentes, seva erit illa confessio, & cùm clausa erit ianua, frater carentes oleo acclamabunt exclusi; nullum ib;*

ibi refrigerium, nullum remedium. Semel Christus descendit ad inferos, ulterius non descendet, non ultra videbunt Deum in tenebris signati, irregissibilis erit illa sententia, & immutabile iudicium, & stabit d'ominationis hujus immobile confituum.

98. Similia habet D. Gregorius lib. 15. moral. cap. 11. ad illud Job. 20. *Luet que fecit omnia, nec tamen consumetur. Persolvit (inquit) impius in tormento ea qua hic illicita servavit desideria, & flammis ultricibus traditus, semper moritur, quia semper in morte servatur: non enim in morte consumitur, quia se consumeretur vita morientis, cum vita etiam pena finiretur: sed ut sine fine crucietur, vivere sine fine in pena compellitur, ut cuius vita hic mortua fuit in culpa, illic eius mors vivat in pena.* Unde Prophet a Regius Psal. 48. loquens de damnatis, ait: *mors depascet eos.* Non enim mors eos eradicabit, vitam ex toto auferendo, sed depascet, conservando radicem vitae, ut iterum pululent, iterum & iterum, atque in aeternum depascendi. Unde Bernardus: *Mors depascet eos, quia semper morientur ad vitam, & semper vivi vent ad mortem.*

99. Dices: D. Hieronymus dialog. contra Pelag. ait Christianos si in peccato preventi fuerint, salvandos esse post paenam. Ergo paena damnorum, saltem in his qui fuerunt Christiani, non erunt aeternae.

Communis solutio est, D. Hieronymum non dixisse hoc ex propria mente, & quasi afferendo, sed ex aliorum sententia, & quasi arguendo. Magis tamen placet responsio quam adhibet Marianus Victor in scholis ad illum locum, num. 33, nempe S. Doctorem loqui de Christianis qui in gratia decedunt: dicuntur autem in peccato preventi, quia moriuntur post peccata commissa, & non dimissa quoad paenam, quam quidem luent in purgatorio, & postea ad celos evolabunt.

100. Hac suppositio, ut dixi, de lege communis & ordinaria intelligenda est: quia non repugnat aliquos per potentiam extraordinariam, & singulari quodam privilegio, ab inferis revocari, ut de Trajano Imperatore, precibus D. Gregorii, existimat S. Thomas in 4. dist. 45. qu. 2. art. 2. quæstiunc. 1. Abulensis in 4. lib. Regum cap. 4. qu. 57. Vincentius Bellocensis in speculo historiali lib. 22. cap. 22. Sextus Senensis lib. 6. Biblioth. annot. 47. Navarrus in Enchirid. cap. 22. & alii quos refert Alphonse Ciaconius in libello sive Apologia de hac re conscripta, ubi veritatem hujus historiae variis argumentis & testimoniosis demonstrare conatur. Eam tamen ut fabulosam, & à quibusdam personis, rigorem divinae iustitiae extenuare volentibus, conficiant, rejiciunt Belarminus lib. 2. de purgat. cap. 8. & Baronius tomo 8. ad annum 604. dicens *rūsi pōsiū despiciāndam esse, quām disputationē seriā confundāndam.* Addunt alii orationem pro mortuis, in qua haec historia legitur, non esse Damasceni, cui attribuitur, sed incerti cuiusdam Authoris, nullius in Ecclesia authoritatis; praesertim cum in ea multa fidei contraria extent. Sed quicquid sit de veritate hujus historiae, negari non potest, ex tanta multitudine mortuorum, quos Christus Dominus, & Apostoli, aliqui Sancti resuscitarunt, plurimos in peccato mortali obiisse, cum non pauci fuerint.

Tom. III.

A idololatria & infideles; atque adeò ex inferno, vel ex alio loco, ubi in tormentis detinabantur, fuisse revocatos, subindeque non repugnare aliquos ex speciali privilegio, & potentia extraordianaria, à paenam inferni liberari.

Unde solum difficultas est, an peccatum mortale, de se & ex malitia sua intrinseca exigat paenam aeternam, vel solum id ei conveniat per accidentem, propter legem à Deo latam, quā illud sub paena aeterna prohibuit, vel ratione subiecti, quod quia in aeternum erit privatum gratiæ, aut maculatum, in aeternum punietur.

Ratio vero dubitandi est, quia paena debet esse proportionata culpa, juxta illud Deuteronomio 25. Pro mensura peccati, erit & plagarum numerus: Sed paena aeterna nullam videtur habere proportionem cum culpa mortali; illa enim perpetuo durat, ista vero brevissimo tempore committitur, imò in momento, & in ictu oculi, cum committatur per consensum voluntatis, qui in instanti, secundum Philosophos, perficitur: Ergo paena aeterna videtur esse ultra demeritum ipsius peccati; ideoque Deum plus exigere in pena, quam commissum fuerit in culpa. Unde Glossa ordinaria ex Augustino de sumpta, exponens versiculum Psalm. 71. Ex usuris & iniuriate redimet animas eorum, inquit, usuras esse peccata, qua nobis cum magno labore paenas parvum, & subdit: Deus enim plus exigit in paenis, quam commissum fuerit in culpis.

Nihilominus

Dicendum est, peccatum mortale per se, & ex malitia sua intrinseca, reatum paenam aeternam inducere.

Hanc conclusionem probat D. Thomas hic art. 3. egregio discursu, qui sic potest in forma proponi. Peccatum dicens inordinationem irreparabilem, per se, & ex malitia sua intrinseca, inducit reatum paenam aeternam: Sed peccatum mortale dicit inordinationem irreparabilem: Ergo per se & ex malitia sua intrinseca reatum paenam aeternam inducit. Major patet: peccatum enim inducit reatum paenam ratione sua inordinationis, ut art. 4. declaravimus; unde tandem debet manere reatus paenae, quando remanet inordinationis culpa, subindeque si ista sit irreparabilis & perpetua, ille quoque aeternus & interminabilis erit. Minor vero, in qua est difficultas, sic potest suaderi. Peccatum mortale avertit & deordinat hominem ab ultimo fine, ut patebit ex dicendis disputatione sequenti: Sed deordinatio ab ultimo fine ex sua propria ratione, & ex parte peccatoris, est irreparabilis; quia ultimus finis in moralibus est sicut primum principium in speculativis; error autem circa primum principium in speculativis, irreparabilis est: Ergo &c. Ex qua ratione sequitur, peccatum veniale de se reatum paenam temporalis solum inducere, quia non dicit inordinationem irreparabilem; cum talis deordinatio non sit circa finem, sed tantum circa media, qua proinde potest reparari, ex recta intentione finis, sicut error circa conclusiones corrigi potest ex recta cognitione principii. Unde peccatum mortale se habet ut mors animæ destruens primum principium vita spiritualis, quod est gratia, & conjunctio ad Deum ultimum finem: peccatum autem veniale est veluti morbus & aggritudo illius, qua principium vita spiritualis non destruit, sed tantum langorem & debilitatem spiritualem inducit.

N.n

Alias rationes adducit S. Doctor 3. contra gent. A cap. 144. quas fuscè expendunt Salmantenses hic disp. 17. dubio 3. §. 3. sed eas brevitatis causa
sā prætermittimus. Unde

103. Ad rationem dubitandi dicendum est, inter culpam & pœnam non requiri æqualitatem quoad omnia, præstissim quoad durationem: nam in judiciis humanis videmus pro brevissimo delicto perpetuam vitæ privationem, aut perpetuum exilium sāpē infligi: sed sufficere quod sit proportio inter reatum pœnam, & inordinationem culpæ; ita ut si ista æterna sit, & irreparabilis, ille quoque perpetuus & interminabilis esse debeat, ut antea exposuimus.

104. Addo quod licet actus peccati mortalium sit transitorius, & aliquando momentaneus, tamen voluntas peccandi est aliquo modo æterna, in quantum illa qui peccat, & qui voluptatem v. g. Deo præfert, ita effectus est, ut si semper vivet, in peccato semper veller perseverare, & tali voluptate perpetuò frui; juxta illud Gregorii Magni: *Peccator vellit sine fine vivere, ut sine fine posset peccare.* Unde etiam ex parte durationis aliqua reperitur proportio inter culpam mortalem, & pœnam æternam, in quantum affectus peccatoris erga bonum commutabile, in quo rationem ultimi finis constituit, virtualiter & æquivalenter æternus est. Quam rationem tangit D. Thomas 3. contra gent. cap. 144. ubi sic discurrit: *Apud divinum iudicium voluntas pro facto computatur; quia sicut homines vident ea qua exterius aguntur, ita Deus inspicit hominum corda. Qui autem propter aliquod bonum temporale aversus est ab ultimo fine, qui in æternum possideretur, præposuit fruitionem temporalem illius boni temporalis, æterna fruitioni ultimi finis; unde patet quod muliò magis voluisse in æternum illo bono temporali frui: Ergo secundum divinum iudicium ita puniri debet, ac si eternali peccavisset. Nulli autem dubium est, quin pro aeterno peccato aeterna pœna debeatur: debetur igitur ei qui ab ultimo fine avertitur, pœna æterna.*

105. Ad hanc rationem reducitur ea quam ex D. Gregorio idem S. Doctor adducit hic art. 3. ad 1. dicens: *Festum est secundum Gregorium quod qui in suo aeterno peccavit contra Deum, in aeterno Dei puniatur. Dicitur autem alius in suo aeterno peccasse, non secundum continuationem actus in tota hominis vita durantis, sed quia ex hoc ipso quod finem in peccato constituit, voluntatem habet in aeternum peccandi.*

Ad locum Augustini defumptum ex Glossa ordinaria super hunc versiculum psalm. 71. *Ex usuri & iniquitate redimer animas eorum*, dicendum est. Augustinus solūm intendere, quod pœna quantum ad acerbitatem doloris excedit culpam quoad delictationis jucunditatem; sentiet enim damnatus acerbissimum & aeternum dolorem, pro delictatione modica & brevissima quam peccando percepit: non autem vult menfuram pœnae, quam Deus infligit, quamvis gravissima & longissima sit, excedere demeritum culpæ, aut esse, secundum justam appreciationem, majorem quam illa mereatur.

ARTICVLVS VII.

An peccatum veniale in damnato, per accidens, & ratione conjunctionis cum mortali, pœna æternâ puniatur?

CO NSTAT ex dictis articulo præcedenti peccatum veniale per se non inducere reatum pœnae æternæ; cùm non avertat hominem ab ultimo fine, nec ipsum privet gratiæ & charitate, que sunt primum principium vitæ spiritualis. Sed difficultas est, & controversia inter Theologos, an saltēm per accidens, & ob conjunctionem quam in damnatis habet cum mortali, pœna æternâ puniatur? Quæ questio in duplice casu potest agitari, vel de peccato veniali remissione quoad culpam in hac vita, & remanente solūm in altera quoad pœnam, vel de illo manente in inferno quoad culpam, & quoad pœnam. Pro resolutione, ab hoc secundo casu incipiendo.

Dico primò: Peccatum veniale non remisum quoad culpam in hac vita, & conjunctionem mortali, per accidens puniatur in inferno pœna in æternum duratam; quamvis aliæ pœna illi debita temporalis esset. Est contra Scotum in 4. dist. 21. qu. 2. Almaīnum, Bellarminum tomo 2. lib. 4. de pœnit. cap. 1. & alios Recentiores.

Probatur primò ex D. Thoma quest. 7. de malo ar. 10. ubi in corpore sic concludit: *Veniale peccatum non meretur pœnam æternam ex specie sua, neque ex parte inherentia ad subjectum, per se loquendo, quia non privat gratiæ: sed per accidens fit irremissibile peccato mortali conjunctionem, in quantum est in subiecto privata gratia, & sic per accidens punitur pœna æternâ. Et qu. 5. art. 2. ad 8. ait: Peccatum veniale in eo qui dedit cum mortali, quia nunquam remittitur, aeterna pœna puniatur, propter gratiæ carentiam: & simili modo esset, si quis decederet cum originali & veniali peccato. Idem docet hic art. 5. ad 3.*

Probatur secundò conclusio ratione fundamentali, quam S. Doctor locis citatis insinuat. Peccata venialia in hac vita non remissa, non remittuntur in inferno quoad culpam: Ergo nec quoad pœnam. Consequentia manifesta est, cùm enim reatus pœna sit effectus culpæ, tandem perseverat, quandiu permanet culpa; unde si ista in inferno nunquam delectatur, illi pariter nunquam remittetur. Antecedens vero, in quo est difficultas, probatur multipliciter. Primo, quia, ut docet S. Thomas 3. p. qu. 82. art. 4. peccatum veniale remitti non potest sine mortali cum quo est conjunctionem: Sed constat damnatis non dimitti mortale quoad culpam: Ergo nec veniale.

Secundò probatur Antecedens: Existentes in termino non datur remissio peccati quoad culpam: Sed damnati sunt in termino: Ergo peccata venialia non remittuntur ipsis quoad culpam.

Dices: *Animæ existentes in purgatorio sunt in termino, cùm sint extra statum viae; & tamen ipsis remittuntur peccata venialia quoad culpam, quæ in hac vita non fuerant plenè remissa.*

Sed contra: *Animæ existentes in purgatorio, secundum quid sunt in via, cùm non totaliter pervenerint ad ultimum terminum, & habeant*

